

第六七册目次

根本說一切有部毗奈耶五十卷(二)	唐義淨譯	一
根本說一切有部苾芻尼毗奈耶二十卷	唐義淨譯	三五二
根本說一切有部毗奈耶雜事四十卷(一)	唐義淨譯	六三一

根本說一切有部毗奈耶卷第三十五 而五

唐三藏法師義淨奉制譯

九十波逸底迦法

摠攝頌曰

故妄及種子 不差并數餐 蟲水命伴行
傍生賊徒食

初別攝頌曰

妄毀及離間 發舉說同聲 說罪得上文

隨親輒輕毀

故妄語學處第一

尔時佛在王舍城羯蘭鐸迦池竹林園中尔時具壽羅怛羅於此城側溫泉林住時有眾多敬信婆羅門居士等來詣其所問言大德世尊今者住在何處若佛世尊在竹林中時羅怛羅即便報云在鷲峯山若在鷲峯山報云在竹林中若在畢鉢羅窟報云西尼迦窟若在西尼迦窟報云在畢鉢羅窟時彼諸人欲求禮佛不能得見身體疲倦極生勞苦詣

羅怛羅處時羅怛羅問諸人曰仁等得見世尊不答言不見諸人報云聖者何因故惱我等答言實尔我故相惱時彼諸人各生嫌賤時諸苾芻以緣白佛尔時世尊聞是語已於日初分執持衣鉢入王舍城次第乞食還至本處飯食訖於食後時即便往詣溫泉林所羅怛羅住處時羅怛羅遙見佛來為佛敷座即安置瓶水并洗足器洗足手已往迎世尊收取上衣白言善來世尊願於此坐佛便就座坐已即取瓶水自洗雙足於洗足器傾去多水餘留少許告羅怛羅曰汝見器中留少水不白佛言大德我已見之佛言羅怛羅若苾芻故以妄語無有慙耻亦無追悔我觀如是愚癡之人說為乏少沙門之法世尊復以器中少水摠瀉于地告羅怛羅曰汝見少水盡棄于地不白佛言大德我已見之佛言羅怛羅若苾芻故心妄語無有慙耻亦無追悔我觀如是愚癡之人說為棄盡沙門之法世

尊復以其器傾側至地告羅怛羅曰汝見此器傾側不白佛言大德我已見之佛言羅怛羅若苾芻故心妄語無有慙耻亦無追悔我觀如是愚癡之人說為傾側沙門之法世尊復以其器覆之于地告羅怛羅曰汝見此器覆在地不白佛言大德我已見之佛言羅怛

而五

二

羅若苾芻故心妄語無有慙耻亦無追悔我觀如是愚癡之人說為傾覆沙門之法復次羅怛羅如醉象王有大力勢牙如車軸肥壯勇猛善能鬪戰往戰場中共他戰時四足兩牙尾及脊脇悉皆作用惟有其鼻卷而不出羅怛羅此象為護命故不用其鼻以摧彼軍象師即念此之象王護惜身命羅怛羅若彼象王共鬪之時出鼻戰者是時象師即知此象不怯軀命自軍他軍遇便殘害無惡不作如是羅怛羅若復苾芻故心妄語無有慙耻亦無追悔我說是人無惡不造亦時世尊說伽他曰

若人違實法 故作虛誑語 乃至命終來
無惡而不造 寧吞熱鐵丸 猶如猛火燄
不以破戒口 噉他信心食

亦時世尊復告羅怛羅曰於汝意云何何意世人手執明鏡羅怛羅白佛言世尊彼執鏡者為觀已面善惡之相佛告羅怛羅如是如是汝之所有身業造作應當數數善自觀察我今欲起如是身業此之身業為害自身并害他身是不善事是苦惡業能於未來感苦異熟耶為不害自身并不害他是勝善事是安樂業能於未來感樂異熟耶羅怛羅若汝作此觀察之時即能了知此之身業我今欲

而五

三

作能損自他是不善事是苦惡業能於未來感苦異熟此之身業應當檢攝即不應作羅怛羅若汝作此觀察之時即能了知此之身業我今欲作能益自他是勝善事是安隱業能於未來感樂異熟此之身業應當發起修其善事復次佛告羅怛羅汝之所有身業造

作應當數數善自觀察我今正作如是身業此之身業能害自他當受苦報即不應作若益自他當受樂報便應修學復次佛告羅怛羅汝之所有身業造作應當數數善自觀察我曾已作如是身業此之身業能害自他當受苦報所有罪業應對佛前至誠懇惻說所作罪或於清淨同梵行者前說其愆咎發露說悔將來禁戒更不重犯若作善業能益自他當受樂報應發歡喜心於日夜中慶其所作勿為放逸羅怛羅如於身業欲作正作已作三時觀察當知語業意業亦復如是羅怛羅當知過去未來及以現在所有行業皆由意生應數觀察棄捨惡念常起善心羅怛羅若有沙門婆羅門等於身語意業現起之時應善觀察令極清淨常多修習相應而住羅怛羅如於現在觀察三業令極清淨相應而住過去未來亦復如是是故汝今於三業中恒善觀察令極清淨相應而住勿為放逸亦

時世尊說伽他曰

羅怛汝當知 常觀察三業 不令造眾惡

是順諸佛教 此是聲聞業 汝今應可修

修習此行時 長善自諸惡

今時出尊為羅怛羅示教利喜說是法已時

羅怛羅禮佛雙足歡喜奉行于時世尊從座

而去此是緣起尚未制戒

佛在逝多林介時法手苾芻是釋迦子於此

而住善能言說降伏他論于時中國有一摩

納縛迦為求學故往詣南方事廣如前第四

波羅市迦劫比羅因緣中具說時摩納縛迦

所事師主是南方婆羅門博通諸論與摩納

而五

縛迦及諸弟子漸次遊行經諸城邑遂到室

羅伐城時彼城中有一婆羅門為眾之首聞

有南方大論師至告諸學徒曰汝等知不有

婆羅門是南方大論師今來至此欲求敵論

若彼論師於諸論中而立義者汝等各隨所

習共相酬對若能破彼斯曰善哉若不能者

宜當引彼往釋子中令與論議若其論師能破釋子此即是我婆羅門勝若其釋子伏得彼者斯亦是我婆羅門勝何以故能令八方震大名稱云南方有一大婆羅門善解四明妙通入術來求激論至室羅伐城城中有人能摧彼論我等諸人亦非墮負時彼論師於

晨朝時以衣裹腹手執炬火入室羅伐城時彼城中婆羅門子問言大師何故以衣裹腹論師報曰所受學業滿我腹中恐其破裂故以衣裹又問何因於白日中午手執炬火論師報曰我見諸人愚癡闇昧今輝智炬令使開明論師即便共彼學徒更相問難有激論處

人咸杜口城中學士悉皆受屈諸人白言大師何故欲自朋耶論師報曰豈可於此更有他朋也諸人云有論師曰彼是何人報曰是沙門釋子近日方興於四姓中獨稱尊勝多聞辯說人所共知師今可往共彼言論問曰彼居何處報言在此城中逝多林內問曰於

而五

五

彼眾中誰為第一激論之主報曰彼皆博識聰睿詞辯分明作是語時法手苾芻遇有他緣因屆其所諸人見來告論師曰大師今可且置諸餘沙門釋子宜應可共此法手苾芻以申論難論師即便正視苾芻告諸人曰略觀此相定是論王即往就之告言苾芻我於先師頗曾少學欲共仁者聊叙論端苾芻報曰斯誠大善我比有心欲求論難何當遇敵得盡虛懷仁既遠來深適吾願隨意當作論師問曰何日對談苾芻報曰明日可作欲在何處於某華園共作期已捨之而去時彼論師既共期已即於此夜研覈兩宗預設科條討尋徵斥思惟不睡迄至天明時法手苾芻作如是念我若破得此論師者亦未能免巡百家門食方滿腹若婆羅門儻摧我者我之所有名稱華冠悉皆隱沒時婆羅門即於晨旦趣彼華園佇望苾芻欲其來至然而法手不赴前期久待不來遂還城內是時法手對

酌過期便入城中次行乞食彼婆羅門見而問曰苾芻何故不赴華園報曰何處華園婆羅門曰仁豈不憶昨日共期云於某處將與往復法手報曰我忘其事婆羅門作是念我於通夜思構論端苾芻乃云我不曾憶復作是念然此苾芻無過二種一是情識愚惑二

是才辯過人復報之曰明日赴期報云如是彼婆羅門明至期時便赴園內淹留相待還復不來企望躊躇履歸城邑是時法手知過期已入城乞食彼婆羅門見而復問苾芻何故還不赴期法手報曰我豈風病耶豈惟論議一事更無餘業然我每於晨旦承事大師所未聞法敬心聽受門徒之輩復自教詔還往貴人逢迎說法婆羅門曰苾芻不應故心妄語答曰我實如是由此法手苾芻共他論者許期往赴而故妄言令彼論師屢勞往返諸外道輩聞斯事已各生嫌賤君等應知釋子沙門故心妄語共他論者結契園中故作

而五

六

虛言令彼論者空勞往復諸苾芻聞已具白世尊佛以此緣集苾芻衆問法手曰汝實作如是故妄語事共他期契故心不往耶答言實尔世尊尔時種種訶責乃至我今爲諸苾芻制其學處應如是說

若復苾芻故妄語者波逸底迦若復苾芻者謂是法手義如上說故者謂是故心了知其事妄語者有九種妄語八七六五四三二種差別不同云何九種妄語謂以無根他勝僧伽伐尸沙彼逸底迦提舍尼突色訖里多以無根破戒破見破威儀破正命而作妄語云何八種妄語謂以無根他勝僧伽伐尸沙波逸底迦提舍尼突色訖里多以無根見聞疑破正命云何七種妄語謂以無根破戒破見破威儀正以無根見聞疑云何六種妄語若苾芻欲作妄語生如是念我當妄語正妄語時作如是念我正妄語若妄語竟作如是念我已妄語以無根見聞疑云何五種妄語謂

以無根五部罪而作妄語云何四種妄語謂以無根破戒破見破威儀破正命云何三種妄語謂以無根見聞疑又有三種妄語作如是念我當妄語我正妄語我已妄語云何二種妄語謂我正妄語我已妄語無有一種成妄語者復有五種妄語何者是耶自有妄語

而五

七

謂得波羅市迦有得僧伽伐尸沙有得率吐羅底也有得波逸底迦有得突色訖里多云何妄語得波羅市迦若苾芻實不得上人法自稱言得此之妄語得波羅市迦云何妄語得僧伽伐尸沙若苾芻知彼苾芻清淨無犯而無根他勝法謗此之妄語得僧伽伐尸沙云何妄語得率吐羅底也若苾芻在僧眾中故心妄語非法說法說非法非律說律律說非律此之妄語得率吐羅底也云何妄語得突色訖里多若苾芻半月半月作褒纒陀誦戒經時彼問清淨不而實不清淨自知有犯作覆藏心默然而住此之妄語得突色訖

里多除向所說四種妄語諸餘妄語悉得波逸底迦波逸底迦者是燒煮墮落義謂犯罪者墮在地獄傍生餓鬼惡道之中受燒煮苦又此罪若不殷勤說除便能障礙所有善法此有說義故名波逸底迦此中犯相其事云何因攝頌曰

若實不見聞 不覺不知想 及疑而異說是妄語應知

若苾芻不見不聞不覺不知作如是想如是忍可便云我見我聞我覺我知如是說時語語皆得波逸底迦罪若苾芻曾見聞覺知而妄其事作如是想如是忍可不憶其事而云不忘語語皆得波逸底迦罪若實見聞覺知後遂生疑彼作此想如是忍可言於見等無有疑心語語說時皆得波逸底迦若實不見聞覺知有見等想彼作此解後言我實有見等語語說時皆得本罪若實不見而有聞覺知彼作此想如是忍可後言我見無有聞等

語語說時皆得本罪若實不聞而有見覺知
彼作此想如是忍可後言我聞無見覺知語
語說時皆得本罪若實不覺而有見聞知彼
作此想如是忍可後言我覺無見聞知語語
說時皆得本罪若實不知而有見聞覺作如
是想如是忍可後言我知無見聞覺語語說

而五

時皆得本罪若實見而忘聞覺知不忘彼作
此想後言我見不忘聞覺知亦不忘語語說
時皆得本罪若實聞而忘見覺知不忘彼作
此想後言我聞不忘見覺知亦不忘語語說
時皆得本罪

若實覺而忘見聞知不忘彼作此想後言我
覺不忘見聞知亦不忘語語說時皆得本罪
若實知而忘見聞覺不忘彼作此想後言我
知不忘見聞覺亦不忘語語說時皆得本罪
若實見而疑聞覺知不疑彼作此想後言我
見不疑聞覺知疑語語說時皆得本罪若實
聞而疑見覺知不疑彼作此想後言我聞不

疑見覺知疑語語說時皆得本罪若實覺而
疑見聞知不疑彼作此想後言我覺不疑見
聞知疑語語說時皆得本罪若實知而疑見
聞覺不疑彼作此想後言我知不疑見聞覺
疑語語說時皆得本罪若實不見而作不見
想有聞覺知作聞覺知想彼作此想後言我

而五

九

見不聞覺知說時得本罪若實不聞作不聞
想有見覺知作見覺知想彼作此想後言我
聞不見覺知說時得本罪若實不覺作不覺
想有見聞知作見聞知想彼作此想後言我
覺不見聞知說時得本罪若實不知作不知
想有見聞覺想彼作此想後言我知不見聞
覺說時得本罪若實見聞覺知彼作此想後
言我不見聞覺知說時得本罪若實見聞覺
知而不忘其事彼作此想後言我見聞覺知
而忘其事說時得本罪若實見聞覺知而無
疑心彼作此想後言我見聞覺知而有疑心
說時得本罪若實見聞覺知有見聞覺知想

彼作此想後言我不見聞覺知說時得本罪若實見不聞覺知彼作此想後言我不見然有聞覺知說時得本罪若實聞不見覺知彼作此想後言我不聞然見覺知說時得本罪若實覺不見聞知彼作此想後言我不覺然見聞知說時得本罪若實知不見聞覺知彼作此想後言我不知然見聞覺知說時得本罪若實見不忘聞覺知忘彼作此想後言我見而忘聞覺知不忘說時得本罪若實聞不忘見覺知忘彼作此想後言我聞而忘見覺知不忘說時得本罪若實覺不忘見聞知忘彼作此想後言我覺而忘見聞知不忘說時得本罪若實知不忘見聞覺忘彼作此想後言我知而忘見聞覺不忘說時得本罪若實見不疑聞覺知有疑彼作此想後言我見有疑聞覺知不疑說時得本罪若實聞不疑見覺知有疑彼作此想後言我聞有疑見覺知不疑說時得本罪若實覺不疑見聞知有疑彼作

此想後言我覺有疑見聞知不疑說時得本罪若實知不疑見聞覺有疑彼作此想後言我知有疑見聞覺不疑說時得本罪若實見作見想不聞不覺不知作不聞不覺不知想彼作此想後言我不見然有聞覺知說時得本罪若實聞想不見覺知作不見覺知想彼作此想後言我不聞然有見覺知說時得本罪若實覺作覺想不見聞知作不見聞知想彼作此想後言我不覺然有見聞知說時得本罪若實知作知想不見聞覺作不見聞覺想彼作此想後言我不知然有見聞覺說時得本罪若苾芻凡所有語違心而說皆得波

而五

十

逸底迦罪若不違心而說者皆無犯又無犯者最初犯人或癡狂心亂痛惱所纏毀謗語學處第二

介時佛在室羅伐城逝多林給孤獨園時六眾苾芻於諸苾芻作毀謗語云眇目孿臂皆偃侏儒太長太麤聾盲瘖瘂拐行腫脚禿臂

大頭哆脣齟齬是時六衆苾芻作如是等毀訾語時諸苾芻聞已慙被憂愁不樂讀誦思惟悉皆廢闕懷憂而住時有少欲苾芻見其事已成生嫌賤作輕毀言云何苾芻於苾芻處而作毀訾云眇目等如上所說時諸苾芻以緣白佛今時世尊以此因緣集苾芻衆乃

至問六衆曰汝等實作毀訾之語惱諸苾芻云眇目等耶六衆荅曰實尔大德世尊即便種種訶責廣說如上乃至此非沙門所應作事所以者何汝等當聽往古世時於聚落中有一長者娶妻未久歡愛同居便生一女年漸長大長者單身躬爲耕墾時有居士之子父母俱喪常於林野販樵爲業時居士子持其樵擔來至耕處田頭樹下棄擔息肩見彼長者躬自耕作就而問曰阿舅何故衰年自營辛苦應居村落翻在田疇報言善來外甥我無兄弟復無子息不自躬耕衣食寧濟彼便報曰阿舅我且代耕仁當暫息即便執犁

而五

十一

代其耕作遂至日午家中食來喚言外甥可來共食亦既食已報言阿舅宜可還家然我未知舅之宅處至日晡後當出村外路首相迎長者聞已即便歸舍時居士子耕至日晚牛放青穉躬持草檐并取柴束驅畜而歸至彼村隅長者迎見遂即相將到其宅所時居

士子掃除廠庫布以乾土并設火烟多與牛羣長者見已作如是念我由此兒今受安樂我之小女當與爲妻今其食已報云外甥當住於此勤修家業此之小女授汝爲妻報言甚善即依處分營作生業時彼長者家有二牛每令驅使大者爲性調善小者稟識貪餐雖復拘制犯暴是常童子發憤放石遙打折其一角因即立号名爲秃角後於他日尚犯田苗同前不止便放鎌斫遂截其尾因即名爲秃尾秃角後於異時居士子告長者言阿舅先所許親幸可作之今時長者言好便告妻曰賢首衣服瓔珞當可辦之小女不久欲

為婚娶妻便問曰曾未與人如何辦具長者報曰吾已與人妻曰是誰報此居士子妻曰此人宗族本不委知如白胡椒莫了生處如何以女輒為婚戚凡婚姻者親屬還往飲噉追呼氏族相應我方與女報其妻曰賢首此居士子自至我家田斯代勞得受安樂此若無者還嬰辛苦不免躬耕妻報夫曰我實不能將所愛女與客作人世間之人多用妻語是時長者便作是念我若報云不與女者作人今日便捨我去我還不免自執耕犁今且宜應詭設方便勿令即去時彼作人復於異時告長者曰家長宜應作婚姻事長者報曰外甥我之親族其數寬廣聚集之時多須飲食宜待秋熟稻穀收成既收穀已復告成婚報言外甥事須沙糖宜待甘蔗收已復告成婚報言外甥餅麵是資當待麥熟既收麥已復告成婚報言外甥陳稻將盡可待新杭時居士子見作推延遂生此念無容田實揔一

而五

十二

時成看此事由便成誑我我今宜可往告眾人若不與者經官取定便對眾人告云阿舅可作婚姻諸人聞已告長者曰許言已久何不為婚是時長者怒而告曰諸君當知此是我舍客作之人我以何緣與女婚娶諸人皆然時居士子便作是念我不得錢復不得婦虛淹歲序靡見成功我今宜可損害其人方隨意去便將二伴牛日驅使多與杖捶繫之枯樹曝以烈日方欲言歸近劫初時畜解人語其牛既遭苦楚大牛便告居士子曰咄男子汝先於我共相愛念恩同父母知我劬勞何故今時多行杖楚繫之枯樹曝以烈日棄我還家我於汝處有何愆過男子報曰汝無有咎然汝曹主於我有過牛曰彼有何過男子報曰先許我女今者違信牛曰何不經官男子報曰為無證人牛便報曰我等為汝而作證人男子曰為作人語為作牛音牛曰不作人語我當現相令人表知汝當為盟令人

表信汝當引我爲證令人表知牽我兩牛繫於廠內莫與水草滿七日已可於地中多水草處放我今出乃至傍人來覩信驗我等噤口不噉水草我現相貌令王大臣信汝言實我當飲噉是時男子聞是計已即便俱解放茂草中自詣王所致敬白王大王某村長者

而五

十三

許女爲婚使役多年今乃翻悔王喚長者問其虛實長者白云我實不許王問男子汝有證不白王言有王曰爲人爲非人白言非人王曰是何白言是牛王曰爲作人語爲餘語耶白言不作人語王曰如何成證白言彼有實信令人表知其牛於七日中繫在廠內莫與水草滿七日已可於地中多水草處放牛今出我引爲證必有奇相乃至大王未信已來牛終不食此若虛者我當死罪王命臣曰當依此言看其證驗大臣奉教便取二牛繫之廠內不與水草時禿尾禿角報大牛曰豈期顛倒惟獨我等日出西方幽閉廠中不聞

水草大牛報曰豈非我許居士子爲作保證於七日中自餓而住乃至王未信來不食水草禿尾禿角報大牛曰若放我者逢石尚噉沉水草耶大牛報曰此居士子愛念我等事同父母豈得違信誤彼人耶禿尾禿角曰雖實愛念恩同二親然常喚我爲禿尾禿角我聞喚時即欲以角決破其腹大牛聞已默尔而住彼居士子時復來看問其牛曰得安隱不大牛報曰我且安隱汝不安隱居士子曰何意如此大牛曰此禿尾禿角作如是言若放我者逢石尚噉沉水草乎居士子曰若如是者我於今夜當急逃走對王爲誑命在須臾大牛報曰汝不須走當與禿尾禿角穿鼻安繩其紉促繫我角放出之日若彼違信食水草時我以雙角舉鼻令上汝即報言今此二牛告第五護世世人共許有五種擁護者謂地水火風日時居士子遂與穿鼻禿尾禿角報大牛曰仁當觀此苦虐於我大牛曰與

著瓔珞何苦之有便以拘紉繫大者頭至七日已王及諸臣親共觀視多水草田放二牛出禿尾禿角既見水草即便欲食是時大牛遂以雙角舉小牛鼻向日而望王問臣曰何意二牛向日而望時有智臣白言大王今此二牛意欲啓王說如是事非直我二爲證亦

而五

十四

兼告彼第五護世明明白日助我證知王見是事極生希有報諸臣曰畜生無知尚能爲人而作保證事既非虛宜以彼女共爲婚戚便放二牛俱食水草時居士子既得勝已娶女爲妻佛告諸苾芻汝等當知在傍生趣聞毀謗言尚懷害念況復於人是故苾芻不應

惡語毀謗他人此是緣起猶未制戒今時世尊復告諸苾芻作毀謗語時於現在世所作事業不能成就汝等當聽乃往古昔於一村中有長者住以行車爲業彼有二牝牛一名歡喜二名美味於春陽時各生一子毛色班駁既漸長大歡喜之子其角廣長美味之兒

頭禿無角是時長者爲其立字一名歡喜長角二名美味禿頭及其壯盛俱有氣力後於異時諸行車人各因飲牛共集池所作如是言誰牛最勝各云我牛勝長者答云我牛極勝諸人報曰何以得知汝牛極勝長者曰可於峻坂令牽重車共立明言賭金錢五百作

是要已便將已牛放峻坂處牽其重車時彼長者便喚牛曰歡喜長角宜可疾牽美味禿頭亦當急挽時禿頭牛聞毀謗語即便却住不肯挽車長者大怒便以麈杖而拷楚之餘人報曰汝今豈欲殺此牛耶既其不如宜當放却是時長者便輸五百金錢極大忿怒於

而五

十五

其二牛多與杖捶繫之枯樹畜解人語已如上說是時二牛告長者曰仁先養我事同父母我有何過遂行楚毒長者報曰今由汝故罰我五百金錢歡喜長角報長者曰由汝口過自罰金錢我等何咎長者曰我口何過牛便報曰何故對衆人前毀辱於我不言好稱

喚作禿頭若言好名不毀訾我者更於峻坂牽倍重載共立明要倍賭金錢一千長者報曰汝今更欲倍罰我耶牛曰勿毀訾我定當盡力後於異時各因飲牛事如前說長者荅云我牛極勝諸人報曰豈汝今時更求重罰長者報言設更罰我君等何失宜於峻坂倍

駕重車賭金錢一千明為要契即如言契以牛牽車今上峻坂便喚牛曰歡喜宜可急牽美味當須疾挽二牛聞已便生喜悅盡力牽車令至平地既其得勝便獲金錢一千時有天神於虛空中說伽他曰雖有極重載居在峻坂下二牛心若喜

能牽出此車若陳順意語二牛聞慶悅牽車出不難主獲千金賞是故常愛語勿作逆耳言若出愛語時無罪常安樂佛告諸苾芻彼傍生類聞毀訾時尚能為主作無利益何況於是故苾芻不應於他作毀訾語今時世尊種種訶責諸苾芻已廣說

如前我今為諸弟子制其學處應如是說若復苾芻毀訾語故波逸底迦苾芻義如上毀訾語者謂於他人為毀辱事出言彰表他領解時得波逸底伽罪廣說如上

根本說一切有部毗奈耶卷第二十五 而五

數餐二字音鐸徒落悵良月惻昌力愆許去
研同敵徒的激音窳羊歲聊郎那迄許記
反蘇企反智反躊躇上音斤音構反愚下音恚下音淹一
反蘇宰反沒反褒灑上音儒反眇反背音偃下音突反
摩雙下必亦反侏儒上音而朱反拐行買反腫反
脚上音作時勇反唆唇上丁齧反吾反候反赦反女反耕反墾反
下音樵反自反搖反疇反外反甥反下音憤反粉反詭反厩反庫反委反
音甲反下青稊下音貪反饕反憤反粉反詭反厩反庫反委反
鎌斫之若反康下音杭反梗反同庚靡反崔反捶反之反妻反曝反
蒲木反若反康下音噤反禁反糾反直反引反虐反魚反約反牴反牛反
上音斑駁上音必反角反飲反牛反聲反要反已反音反峻反

磧砂大藏經

根本說一切有部毗奈耶

卅

影印宋元版

坂上私閨反 拷楚一音

根本說一切有部毗奈耶卷第二十六 而六

唐三藏法師義淨奉 制譯

毀訾語學處第二之餘

此中犯相其事云何 摠攝頌曰

種族及工巧 業形相病五 罪及煩惱類

惡罵為後邊

別攝頌曰

種姓織毛針 鐵銅及皮作 陶師并剃髮

木竹作并奴

若苾芻作毀訾語意往婆羅門種苾芻處作

如是語具壽汝是婆羅門種出家今非沙門

非婆羅門時彼苾芻聞是語已隨惱不惱此

苾芻得惡作罪

若苾芻作毀訾意往刹帝利種苾芻處作如

是語具壽汝是刹帝利種出家今非沙門非

婆羅門時彼苾芻聞是語已隨惱不惱此苾

芻得惡作罪

若苾芻作毀訾意往薜舍種苾芻處作如是

語具壽汝是薜舍種出家今非沙門非婆羅

門時彼苾芻聞是語已隨惱不惱此苾芻得

波逸底迦罪

若苾芻作毀訾意往忒達羅種苾芻處作如

是語具壽汝是忒達羅種出家今非沙門非

婆羅門時彼苾芻聞是語已隨惱不惱此苾

芻得波逸底迦罪

若苾芻作毀訾意往織師種苾芻處作如是

語具壽汝織師種出家今非沙門非婆羅門

時彼苾芻聞是語已隨惱不惱此苾芻得波

逸底迦罪

若苾芻作毀訾意往毛作人種苾芻處作如

是語具壽汝是毛作人種出家今非沙門非婆羅門時彼苾芻聞是語已隨惱不惱此苾芻得波逸底迦罪

若苾芻作毀訾意往縫衣種苾芻處作如是語具壽汝是縫衣種出家今非沙門非婆羅門時彼苾芻聞是語已隨惱不惱此苾芻得波逸底迦罪如是乃至鐵作種銅作種皮作種陶師種剃髮種木匠種竹師種奴種皆應廣說准上應知此論種族訖

若苾芻作毀訾意往婆羅門種苾芻處作如是語具壽汝是婆羅門種出家今非沙門非婆羅門汝今宜應學自工巧及諸技術謂婆

而六

二

羅門所有威儀法式洗淨執瓶及取灰土讀誦規矩毘聲蓬聲四薛陀書作諸施會施受方法時彼苾芻聞是語已隨惱不惱此苾芻得惡作罪

若苾芻作毀訾意往刹帝利種苾芻處作如是語具壽汝是刹帝利種出家今非沙門非

婆羅門汝今宜應學自工巧及諸技術若刹帝利所有威儀法式所謂乘象馬車執持弓箭迴轉進趣執鈎執索排積之類斬截斫刺相収相撲射聲等術時彼苾芻聞是語已隨惱不惱此苾芻得惡作罪

若苾芻作毀訾意往薜舍種苾芻處作如是語具壽汝是薜舍種出家今非沙門非婆羅門汝今宜應學自工巧若薜舍所有威儀法或所謂耕田牧牛及與易等時彼苾芻聞是語已隨惱不惱此苾芻得波逸底迦罪

若苾芻作毀訾意往吠達羅種苾芻處作如是語具壽汝是吠達羅種出家非沙門非婆羅門汝今宜應學自工巧所有大毘小毘及被蓋

而六

三

物并麻紵衣等時彼苾芻聞是語已隨惱不惱此苾芻得波逸底迦罪

若苾芻作毀訾意往織毛種苾芻所作如是語具壽汝是織毛種出家非沙門非婆羅門汝今宜應學自工巧所謂大小氍毹或厚或薄方圓坐蓐等時彼苾芻聞是語已隨惱不

惱此苾芻得波逸底迦罪

若苾芻作毀訾意往縫衣種苾芻所作如是語具壽汝是縫種出家非沙門非婆羅門汝今宜應學自工巧所謂頭帽衫襖大小裙袴時彼苾芻聞是語已隨惱不惱而此苾芻得波逸底迦罪

若苾芻作毀訾意往鐵師種苾芻所作如是語具壽汝是鐵師種出家非沙門非婆羅門汝今宜應學自工巧所謂大小鐵鉢針刀剃具斧鑊等物時彼苾芻聞是語已隨惱不惱而此苾芻得波逸底迦罪

若苾芻作毀訾意往銅作種苾芻所作如是

語具壽汝是銅作種出家非沙門非婆羅門汝今宜應學自工巧所謂銅盤瓶器鈴鐸等物時彼苾芻聞是語已隨惱不惱而此苾芻得波逸底迦罪

若苾芻作毀訾意往皮作種苾芻所作如是語具壽汝是皮作種出家非沙門非婆羅門

汝今宜應學自工巧所謂富羅鞋履鞍轡坐具等物時彼苾芻聞是語已隨惱不惱而此苾芻同前得罪

若苾芻作毀訾意往陶師種苾芻所作如是語具壽汝是陶師種出家非沙門非婆羅門汝今宜應學自工巧所謂瓶瓿甌器等物時彼苾芻聞是語已隨惱不惱而此苾芻同前得罪

若苾芻作毀訾意往剃髮種苾芻所作如是語具壽汝是剃髮種出家非沙門非婆羅門汝今宜應學自工巧所謂剃髮剪爪捺理卷舒等事時彼苾芻聞是語已隨惱不惱而此

而六

四